

傷寒懸解卷七

昌邑黃元御坤載著

長沙徐樹銘校

陽明經下篇 三十三章

陽明虛證

陽明從燥金化氣是為燥土太陰以溼土主令是為溼土

脾胃以膜相連

素問語

感應最捷胃家實則燥土司氣而溼

以化燥胃中虛則溼土主令而燥土亦化溼燥則陽明之

證也溼則太陰之證也而化氣之燥究不敵主令之溼雜

證溼居其九而燥不得一蓋胃家之陽實非風寒鬱為內

熱則不病也惟傷寒有胃家實證乃胃家之實者未能強

半而胃中之虛者不止十三實則始終於陽明所謂陽明

中土無所復傳承氣之的證也虛則病在陽明而陽衰氣



北京中醫藥大學圖書館藏

傷寒懸解卷七

昌邑黃元御坤載著

長沙徐樹銘校

陽明經下篇 三十三章

陽明虛證

陽明從燥金化氣是為燥土太陰以溼土主令是為溼土

脾胃以膜相連

素問語

感應最捷胃家實則燥土司氣而溼

以化燥胃中虛則溼土主令而燥土亦化溼燥則陽明之

證也溼則太陰之證也而化氣之燥究不敵主令之溼雜

證溼居其九而燥不得一蓋胃家之陽實非風寒鬱為內

熱則不病也惟傷寒有胃家實證乃胃家之實者未能強

半而胃中之虛者不止十三實則始終於陽明所謂陽明

中土無所復傳承氣之的證也虛則病在陽明而陽衰氣



北京中醫藥大學圖書館藏

退太陰脾藏將起而代秉其權是名爲陽明而實則太陰
無所復傳者自此而傳變無窮四逆眞武之證悉伏
矣陽明爲陽盛之經猶且虛實之相半況乎太陽爲
之終少陽爲三陽之始此將盛方長之氣則動入三
可屈指也蓋脾陰胃陽勝負之機在乎中氣臨病而不知
中氣見陽明之經熱昧陽明之府冷汗下燒鍼孟浪錯繆
中氣一敗禍生不測雖胃家之實攻泄之早猶且陽去而
入陰矧胃中之虛汗下一誤有不亡神失國而登鬼錄者
哉老子有言治人事天莫若嗇醫家寶嗇中氣不肯孟浪
輕泄則燥溼移易虛實貿遷金書玉訣盡在此矣

陽明虛證提綱

陽明五十一

飲食者胃家之能事也胃氣右降上皖清虛而善容

以能食陽莫盛於陽明陽盛而土燥則胃降而善納陽虛而土溼則胃逆而不食不能食者是胃土溼而腎水寒也土剋水土性溼而水寒陽盛則土燥而剋水陰盛則水寒而侮土以腎家之寒移於土位則病中寒中寒者水勝而土負胃敗而氣逆故不能食胃主受盛脾主消剋食穀不化者脾家之弱絕粒不食者胃家之虛凡病一見不食則責陽明而不責太陰以其受盛之失職也

陽明病若能食名中風不能食名中寒

陽明之爲病胃家實也胃實則當能食若能食者名爲中風是風中於表也不能食者名爲中寒是寒生於裏也陽明承氣之證來自中風者多能食者府中陽旺乃異日胃家燥熱之根不能食者是陽虛而中寒胃陽已不用事脾

陰將司其權不得與實家之中風並論也 下篇胃中虛
冷與上篇胃家實也虛實相對實者陽明之始基虛者
陰之初氣也

中風痙泄證一 陽明五十二

陽明病若中寒不能食小便不利手足漈然汗出此欲作固
瘕太便秘後澼所以然者胃中冷水穀不別故也

陽明病若中寒不能食土溼而小便不利手足陽泄而漈
然汗出此寒氣凝結欲作堅固之瘕瘕大便必初鞭後澼
所以然者胃中寒冷不能蒸化水穀水穀不別俱入二腸
而成泄利故也凡水寒土溼陰氣凝結瘕塊堅鞭多病澼
泄服暖水燥土之劑陽回泄止寒消塊化續從大便而出
滑白粘聯狀如痰涕是卽固瘕之泮解而後行者也五十二



七難所謂大瘕泄者卽此

四逆證二

陽明五十三

脈浮而遲表熱裏寒下利清穀者四逆湯主之

方在大
陰三

中虛冷不能食者飲水則噦

一水寒侮土胃中虛冷不能食者飲水則以水濟水必發噦也

胃中虛冷證三

陽明五十四

陽明病不能食攻其熱必噦所以然者胃中虛冷故也以其人本虛故攻其熱必噦

外熱內寒誤謂內熱而攻之土敗胃逆必發嘔噦

胃中寒冷證四

陽明五十五

傷寒大吐大下之極虛復極汗出者以其人外氣拂鬱復與



興道大學圖書館藏

之水以發其汗因得噦所以然者胃中寒冷故也

吐下亡陽中氣極虛而衛泄失斂復極汗出者以其人表陽拂鬱離根外浮誤謂表邪復與之水以發其汗土敗胃逆故作嘔噦

噦而腹滿證五 陽明五十六

傷寒噦而腹滿視其前後知何部不利利之則愈

噦而腹滿陽明之濁氣不降太陰之清氣不升也前後二陰必有不利之部前部不利利其水道後部不利利其穀道腹滿之病不過氣水停鬱二者而已

身痒無汗證六 陽明五十七

陽明病法多汗反無汗其身如蟲行皮中狀者此以久虛故也

氣虛不能透發鬱於皮膚故痒如蟲行也

欬嘔厥逆證七 陽明五十八

陽明病反無汗而小便利二三日欬而嘔手足厥者必苦頭痛若不欬不嘔手足不厥者頭不痛

無汗則陽氣內虛小便利則陽氣下虛經所謂水泉不止者是膀胱不藏也

素問語

二三日後胃陽愈虛氣逆欬嘔手

足厥冷濁氣上壅必苦頭痛不欬不嘔手足不厥逆者濁氣未逆故頭不痛

欬逆咽痛證八 陽明五十九

陽明病但頭眩不惡寒故能食而欬其人必咽痛若不欬者咽不痛

陽明以下行為順上行為逆胃土上逆陽氣不降浮越無



根是以頭眩表解故不惡寒胃陽未敗故能食胃土上逆肺金壅礙則為欬欬則相火逆衝是以咽痛不欬者相火未衝故咽不痛

吳茱萸證九 陽明六十

食穀欲嘔者屬陽明也吳茱萸湯主之得湯反劇者屬上焦也

土敗胃逆則作嘔吐食穀欲吐者屬陽明也吳茱萸湯人參大棗培土而補中茱萸生薑溫胃而降逆若得湯反劇者則由上焦之痞熱非關中焦之虛寒也

吳茱萸湯 六十三

吳茱萸 一升 生薑 六兩 人參 三兩 大棗 十二枚

右四味以水七升煮取二升去滓溫服七合日三服



嘔多忌攻證十

陽明六十一

傷寒嘔多雖有陽明證不可攻之

傷寒經府鬱迫不能容受是以作嘔嘔緣土虛胃逆雖有陽明裏證不可攻之也

五苓散證十一

陽明六十二

太陽病寸緩關浮尺弱其人發熱汗出復惡寒不嘔但心下痞者此以醫下之也如其不下者病人不惡寒而渴者此轉屬陽明也小便數者大便必鞭不更衣十日無所苦也渴欲飲水少少與之但以法救之渴者宜五苓散

方在太陽四十一

太陽病寸緩關浮猶是中風之脈而尺弱則腎氣不充其人發熱汗出復惡寒不嘔太陽表證未解而但有心下痞者此以醫誤下而成痞非陽明也如其心痞不因攻下外

不惡寒而內有渴證者此是太陽表解轉屬陽明也蓋太陽之病表未解而誤下則成痞陽明之病不俟攻下而胃氣上逆壅礙膽經降路亦成痞而胃逆必嘔土燥必渴胃熱外蒸必不惡寒合觀諸證故知是轉屬陽明若其大便數者其大便必鞭然尺弱腎寒原非陽旺雖不更衣十日亦無所苦也其渴欲飲水止可少少與之但以法稍救其口舌乾燥而已緣其渴是土溼而非火升非土燥而水涸宜以五苓散泄水而燥土也

心下鞭滿證十二陽明六十三

陽明病心下鞭滿者不可攻之攻之利遂不止者死利止者愈

心下病者太陰之證太陰病腹滿而吐自利益甚下之必

胸下結鞭是也陽明之病而見太陰心下鞭滿之證陰盛陽弱故不可攻之攻之脾陽陷敗利遂不止者死陽回利止者則愈也

寒熱脈緊證十三

陽明六十四

陽明中風口苦咽乾腹滿微喘發熱惡寒脈浮而緊若下之則腹滿小便難也

陽明中風而口苦咽乾是有少陽證腹滿是有太陰證發熱惡寒脈浮而緊脈證又與傷寒太陽中風大青龍湯相似此在陽明府熱外蒸應當汗出而脈緩乃脈緊而惡寒者是衛氣外斂胃家陽虛而不能發也外有甲木之克裏有太陰之侵而經府雙鬱不得發越陽明至此困憊極矣若復下之則遂成太陰之證腹滿而小便難也法詳下章



猪苓湯一段

梔子白虎猪苓證十四

陽明六十五

陽明病脈浮而緊咽燥口苦腹滿而喘發熱汗出不惡寒反惡熱身重若發汗則躁心憤憤反譫語若加燒鍼必怵惕煩躁不得眠若下之則胃中空虛客氣動膈心中懊懣舌上胎者梔子豉湯主之方在太陽八十九若渴欲飲水口乾舌燥者白虎加人參湯主之方在太陽三十九若脈浮發熱渴欲飲水小便不利者猪苓湯主之

陽明病脈浮而緊有太陽證咽燥舌乾有少陽證腹滿有太陰證發熱汗出不惡寒反惡熱則胃熱外發矣但有太陰腹滿則土溼頗旺未免身重耳溼盛陽虛汗下燒鍼俱屬不可若發汗則陽亡躁生神敗心憺而反譫語若加燒

鍼汗去陽亡必怵惕煩躁不得眠臥若下之則陽亡土敗
胃中空虛不能隄防陰邪下焦客氣遂逆動於膈下振格
胸中之陽心中懊懣而生瘀濁心竅於舌瘀濁在心舌上
胎生者宜梔子豉湯湧瘀濁而清煩熱也若下後陰亡渴
欲飲水口乾舌燥者宜白虎加人參湯清金而泄熱益氣
而生津也若下後陽旺而土溼脈浮發熱渴欲飲水小便
不利者宜猪苓湯二苓滑澤利水而瀉溼阿膠潤木而清
風也土溼木遏鬱生下熱是以發熱木氣堙塞疏泄不行
故小便不利木鬱風生肺津傷耗是以發渴風氣發揚是
以脈浮腹滿身重之人下之陽敗溼增故見證如此此申
明上章腹滿小便難之義

猪苓湯

六十四

猪苓

去茯苓

澤瀉

滑石

碎

阿膠

各一兩

右五味以水四升先煎四味取二升去滓內下阿膠

溫服七合日三服

汗多亡陽證十五

陽明六十六

發汗多若重發汗者亡其陽譫語脈短者死脈自和者不死
汗多亡陽神敗而發譫語脈短者陽絕乃死脈自和者陽
復則生此申明上章發汗則躁心憤憤反譫語之義

譫語喘滿證十六

陽明六十七

直視譫語喘滿者死下利者亦死

直視譫語陽亡而神敗也喘滿則胃逆而陽上脫下利則
脾陷而陽下脫是以皆死

譫語鄭聲證十七

陽明六十八



夫實則譟語虛則鄭聲鄭聲重語也

陽實則爲譟語陽虛則爲鄭聲鄭聲之義語之繁絮重複者實者上篇之胃家實是也虛者本篇之胃中虛冷是也此申明上亡陽譟語之義

梔子豉證十八

陽明六十九

陽明病下之其外有熱手足溫不結胸心中懊憹飢不能食但頭汗出者梔子豉湯主之

方在太陽八十九

下傷中氣陽浮於表故外有熱而手足溫胃中空虛客氣

動膈故成結胸

義在結胸

今不成結胸只覺心中懊憹飢不能

飲食者膈下之陰與膈上之陽逼迫鬱蒸而生痰濁故也

膈熱薰騰故頭上汗出此宜梔子豉湯吐痰濁而清煩熱

也此申明六十五章若下之胃中空虛客氣動膈心中懊

懷舌上胎者梔子豉湯主之一段之義

白虎證十九 陽明七十

三陽合病腹滿身重難以轉側口不仁而面垢譫語遺尿發

汗則譫語下之則額上生汗手足逆冷

此陽明入太陰去路若自汗者

白虎湯主之

方在太陽三十七此陽明承氣初證

六十五章脈浮而緊為太陽證咽燥口乾為少陽證發熱

汗出不惡寒反惡熱為陽明證是三陽合病也而其腹滿

身重以至難以轉側則太陰證脾竅於口陽虛經盛開闔

寒澀故口不仁木主五色土溼木鬱氣色晦暗是以面垢

神明不慧是以譫語膀胱失約是以遺尿

此補六十五章未詳之義也

若發汗則為鄭聲之譫語

此復申明若發汗則一段若下之則

額上生汗手足厥冷陽泄而土敗

此復申明上章手足溫頭汗出之義而推廣之

